



Cov neeg Tuaj Nyob Teb Chaws No es Tsis Muaj Ntaub Ntawv Nyob Puas Sib Yuav Tau Hauv Lub Xeev Minnesota?


Can Undocumented Immigrants Marry in Minnesota?

Kuv yog ib tug neeg nyob tsis muaj ntaub ntawv, kuv sib yuav puas tau hauv lub xeev Minnesota?

Txhua tus neeg nyob hauv teb chaws United States no muaj cai sib yuav. Yeej muaj tseeb txawm yog qhov koj nyob raug cai thiab tsis raug cai (immigration status). Tabsis, sib yuav nyob rau hauv teb chaws U.S. los yog sib yuav nrog ib tug neeg es yog xam xaj U.S. yuav tsis TIV THAIV koj qhov es raug xa rov qab.

Yuav ua cas yog tias kuv tsis muaj tus naj npawb cim social security?

Daim ntawv sau mus thov daim ntawv pov thawj tias neb yeej sib yuav lawm muaj ib qho chaw sau tus naj npawb chim social security. Yog koj tsis muaj tus naj npawb chim social security, koj kuj tseem ua ntawv thov tau tabsis koj yuav tsum tau tsa tes cog lus tias koj yeej tsis muaj tus lej cim tiag. Nws yeej muaj ib qho chaw nyob hauv daim ntawv thov rau koj sau qhov no.



Dabtsi thiaj li qhia tau tias kev sib yuav yeej raug cai?

Yuav kom sib yuav raug cai nyob hauv lub xeev Minnesota koj ua ntawv thov tau daim ntawv tso cai rau neb sib yuav thiab neb yuav tsum raug muab sib yuav los ntawm ib tug neeg muaj cai ua qhov kev cai muab neb sib yuav. Thaum koj ua cov nod tag lawm, koj thiaj tau txais daim ntawv pov thawj sib yuav.

Kuv puas yuav muaj feem xyuam txais tau daim ntawv tso cai sib yuav?

Hauv lub xeev Minnesota koj yuav tsum tshaj 18 xyoos thiab muaj peev xwm txiav txim siab rau koj tus kheej seb koj puas xav sib yuav. Yog hais tias koj muaj 16 los yog 17 xyoo, koj yeej sib yuav tau yog koj tau kev tso cai los ntawm koj niam thiab koj txiv los yog tus neeg es muaj cai tu koj. Koj yuav tsum tau muab koj niam thiab koj txiv lub npe thiab lub chaw nyob thaum koj ua daim ntawv kom tau daim ntawv pov thawj tsa cai sib yuav.

Kev sib yuav txwv tsis pub ua rau hauv lub xeev Minnesota?

- Yog koj xav sib yuav, koj sib yuav tsis tau nrog lwm tus neeg lawm.
- Yog koj twb sib yuav dua los lawm, koj yuav tsum sib nrauj kom **raug cai** los ntawm koj tus txij nkawm uas kom yuav ua ntej. Sib nrauj kom raug cai yog ib qho sib nrauj es ua raws li cov cai sib nrauj hauv lub xeev los yog lub teb chaws es qhov kev sib nrauj ntawd tshwm sim. Nyob hauv lub xeev Minnesota, koj yuav tsum tau mus rau hauv lub tsev hais plaub thiab ib daim ntawv tso cai rau neb sib nrauj yuav tsum tau kos npe los ntawm tus neeg txiav txim thiab muab zwm cia rau hauv lub tsev hais plaub ua ntej yuav yog ib qho kev sib nrauj raug cai.
- Lub xeev Minnesota tsis pub cov txheeb ze es koom roj koom ntshav sib yuav. Koj sib yuav tsis tau:
 - Koj yog cov nus muag koom roj koom ntshav los sis yog cov menyuam es coj los tu (adopted)
 - Koj yog cov es menyuam xeeb ntxwv es koom roj koom ntshav los sis yog cov menyuam xeeb ntxwv es coj los tu (adopted)
 - Koj cov ntxhais xeeb ntxwv log yog tub xeeb ntxwv es muaj tej qhov koom roj koom ntshav
 - Koj ib tug txheeb ze li nus thiab muam npaws (first cousins). Tus txheeb ze (first cousins) yog cov menyuam ntawm koj tus niam dablaug/ntxawm los yog dablaug/txiv ntxawg es es koom roj koom ntshav.



Yog xav paub ntau dua txog mus thov daim ntawv tso cai sib yuav thiab kom muaj ib qho kev cai ua rau kev sib yuav, mus saib daim ntawv qhia tseeb [Kev Sib Yuav Hauv Minnesota](#).

Cov ntawv Qhia Tseeb yog qhia kom paub txoj kevcai xwb TSIS yog muab txwv yim txog txoj kevcai. Mus ntsib ib tug kws lij choj rau tswv yim. Tsis txhob siv daim ntawv qhia tseeb yog tias nws qub tshaj ib xyoos lawm. Nug peb txog cov hloov tshiab, daim ntawv qhia txog cov ntawv qhia tseeb, lossis lwm hom ntawv.

© 2021 Minnesota Legal Services Coalition. Luam tau daim ntawv no los siv rau tus kheej tsis ua lag luam thiab qhia kom paub xwb. Tagnrho lwm cov cai ceev tseg. Qhov lus sau no yuav tsum nyob rau txhua daim ntawv. Txwv tsis pub muab luam, faib, thiab siv ua lag luam.